

OHR razgovarao sa vođama sindikata o penzijama i platama prosvjetnih radnika

Predstavnici OHR-a Banja Luka su danas održali sastanak sa predsjednikom udruženja penzionera Radetom Rakuljom i predsjednicom sindikata za obrazovanje, kulturu i sport Rankom Mišić, na kojem su sindikalni predstavnici izrazili zabrinutost u vezi sa teškoćama sa kojim se suočava Vlada RS u redovnoj isplati penzija i plata prosvjetnih radnika.

G-din Rakulj i g-đa Mišić su se zahvalili OHR-u na pokazivanju interesa za probleme u vezi niskih penzija i plata u RS. G-đa Mišić je ukazala na potrebu hitnog isplaćivanja jedne i po zaostale plate od strane Vlade RS, te na preuzetu obavezu Vlade RS da za 20% poveća plate prosvjetnih radnika. Gosp. Rakulj je tražio hitno rješavanje međuentitetskog spora u vezi sa isplatom penzija.

Oba predstavnika sindikata su se složili da bi uvođenje PDV-a i reforma carinske službe, čiji se tehnički detalji trenutno razmatraju od strane predstavnika političkih stranaka, moglo dovesti do većeg prikupljanja prihoda i smanjenja broja slučajeva prevare. Predstavnici OHR-a su objasnili da će se tim reformama srednjeročno omogućiti vladi da na vrijeme isplaćuje plate i dodijeli veća sredstva za društveni sektor i infrastrukturu. U okviru sadašnjih diskreditovanih i korumpiranih carinskih i poreskih sistema, u džepovima kriminalaca završavaju na stotine miliona KM, koje trebaju ići penzionerima, prosvjetnim radnicima i građanima.

Sindikalni lideri su izjavili kako će nastaviti lobirati kod Vlade RS kako bi se stigao pravičan dogovor za prosvjetne radnike i penzionere i odmah pokrenule reforme. OHR je

potvrdio da je međunarodna zajednica odlučna u provođenju sveobuhvatne reforme dvostrukih i korumpiranih carinskih i poreskih sistema, kako bi oni služili građanima, a ne kriminalcima.